

十一、太保村的古蹟

林衡道 文
高而恭 圖

——民國六十九年三月調查——

嘉義縣開發極早，明天啓二年漳人顏思齊率眾墾殖其地。該縣太保鄉太保村，原名前溝尾，爲清太子太保王得祿之故鄉，因而聞名於世，並留有若干所古蹟如下：

福濟宮：在太保一五〇號，供奉七星娘娘，現金碧輝煌的殿宇，重建於民國六十七年。相傳：清康熙間泉州移民奉七星娘娘香火來此建廟供奉，清嘉慶十七年，福建水師提督王得祿以此地爲衙，遷廟至太保三〇七號。清咸豐四年因殿宇荒廢，鄉人予以重建。至民國六十七年始遷回太保一〇五號現址。這宮正殿中央，供奉七星娘娘及其衆多分身，左側供奉地藏王菩薩，右側供奉三山國王。國王之供奉，暗示此地往昔有客家移民。正殿對聯：七彩飄雲旗廟貌巍峨昭祀典，星光燦宇宙神恩浩蕩仰坤儀。殿內懸有道光、咸豐時之古聯，山川門內懸一古匾：「莫能名焉」，上款：「嘉慶癸酉年季冬穀旦」，下款：「欽命福建水師提督軍門子爵世襲王得祿書」。此匾經多次重修，現已完全喪失古物之面目。

王氏家廟：在太保一五三號民房之旁，供奉王氏祖先以及王得祿之神位。殿內亦有王得祿夫妻之畫像。對聯：「祖鎮邊疆，功勳顯著，芳名垂千古；祠臨月沼，俎豆重新，祀典享千秋。」該廟由來頗久，現新式殿宇建於民國五十一年。舊殿宇的精美石彫刻，皆保存於庭院中，此外，門前尚留有旗杆台、石獅子等物。

王裔古宅：即王長烈宅，在太保一四八號，房屋、庭院皆甚荒廢，在荒煙蔓草中，尚留有旗杆台、石柱珠、礎石等物，供人憑弔。太保村，位於廣漠的嘉南平野上，少有風光可看。但嘉南大圳朴子線的清流經過村中，在單調的田園上憑添一片水鄉的景色。

參考資料（摘錄自連橫「臺灣通史」）

王得祿列傳

王得祿，字百逾，號玉峰。先世居於江西南城；曾祖奇生以千總隨征朱一貴，陣歿鳳山，賜恩騎尉，遂遷諸羅溝尾莊。年十五入武庠。乾隆五十一年冬，林爽文起事，陷諸羅，得祿走府城乞師，遂募義勇五百以待。五十二年十一月，大將軍福康安復諸羅，從戰有功，隨攻大里杙，躍馬先渡；後軍繼之，遂破堅壘，爽文竄內山。康安率軍進，命隸汀州鎮總兵普克保麾下。及平，賞戴花翎，以千總實缺用。六十年，補督標右營。陳周全之變，隨閩浙總督伍拉納入臺，事畢而去。

當是時，閩、粵海上多盜，而蔡牽、朱濆爲之魁，劫船越貨，商務阻遏。閩浙總督檄銅山營參將李長庚平之，得祿從，頗殺賊。嘉慶五年春三月，長庚爲福建水師提督，一意剿盜，而得祿與邱良功爲之輔。四月，護送封舟赴琉球。十一月，回省。旋率兵艦出洋，時有殺獲，以功晉級。九年十一月，護澎湖水師副將。時牽有窺臺之意，而澎湖爲臺之門戶，孤懸海上，乃籌守備、討軍實，築礮臺，以防侵擾。十年春正月，牽至，入虎井嶼。將登岸，得祿禦之。八月，署澎湖副將。十一月，牽入鹿耳門，勾結陸盜，攻圍府治。得祿隨長庚赴剿。牽沈舟以阻，而自屯岸上。得祿知大港可達安平，自駕小舟入，與鎮道會商剿圍之策。嗣與義首吳春貴、柯緯章、王得昌等率義民三百。十一年春正月初五日，嚴軍行。戒諸舟勿燃燈，既迫，始奮擊之。牽揚帆欲遁，得祿揮舟堵截，擲火罐、火箭以焚，烈焰漲舟，賊驚惶


，多墜海死。燬船二十有二，獲其三，禽股首蔡正等百六十八人，斬首八，陣鹵器械無算。牽以是奪氣，然猶據險守。二月初二日，舟次洲仔尾，睹岸上民兵參差，而東南氛甚惡，訝曰：「不趣援，賊必伏戎於莽，兵勇將不支」。所領舟置劈山礮十二尊，揮衆上岸，舉礮擊。戒曰：「視吾旗進退」。時潮將落矣。每舟以善泅者六人扶之進，麾旗放礮，賊果伏莽中，不虞官軍之猝至也，爭走。而水陸阻隔，莫能援；城中義勇又數隊至，賊愈窘，縱火燬其營。牽大敗，謀遁走，港塞不得行。初六日，風潮驟漲，遂被逸。長庚及得祿追之，不及，奪船十餘，頗斬獲，詔革頂戴。三月，將軍賽冲阿渡臺，仍命剿堵。五月，牽復泊鹿耳門，賽冲阿令得祿率兵船十二，小澎船二十，出戰。與福寧鎮總兵張見陞內外合攻。得祿憤前之被逸也，鼓勇而進，衝其中間，獲船十，擊沈十一，禽股首林略、傅琛及徒二百數十人；牽敗去。詔加總兵銜。十二年春正月，會浙江提督李長庚剿牽於粵洋，頗斬獲；嗣調南澳鎮總兵。至銅山，聞朱潰竄鹿港，追之；七月，至雞籠。見潰舟潛匿港內，又謀知夜突，驟擊之，斃賊七百，獲船九，燬一，擊沈三，救回商船一。潰敗竄蘇澳，謀據地久居。復追之。見港狹，以小舟載火具入，伏巨艦於港口，縱火焚，潰舟爭出，開礮擊之，狼狽走，沈舟三，獲一，器械無算。潰乃東去，自是不敢犯臺灣。十二月，長庚追牽於黑水外洋，中礮殞。十三年春正月，詔任浙江提督，總統閩浙兵船，爲長庚雪憤。五月受事，六月調福建水師提督。與總督阿林保奏言：「臺灣北路守兵單薄，請改興化協左營守備爲水師，移駐滬尾。以延平協左營守備移駐艋舺，管轄陸路」。從之。十四年八月，會浙江提督邱良功剿牽於定海之漁山。牽勢已蹙，追之不敢息。明日仍據上風。傍午，逾黑水洋，見綠水，將遁走外洋。

得祿恐其復逸，麾閩浙各船遏之。牽殊死戰，篷索相糾。賊以縱釣浙舟，矛貫良功之腓。浙舟毀綻脫，而得祿之船復迫之。轉戰良久。灘血聲喧。牽彈盡，以番銀爲礮子。官軍亦以大礮轟擊，烟霧蔽海。得祿傷右額，狹倒再起，大呼殺賊。牽知不能免，自沈其舟，妻孥皆死。捷聞，詔封二等子爵，賞戴雙眼花翎。十五年四月，統師出洋，搜剿餘黨，多納降。海上稍靜。然猶有黃治聚衆海壇，却截商旅，討之。自是每有斬獲，海寇漸平。

十六年九月，入覲。垂詢水師情形，溫旨褒獎。歸福建。十八年二月，福建巡撫張師誠疏言：「臺灣之鹿耳門、鹿港兩處，港內悉係暗沙，須淺水船隻始能守禦。應造守港及八槳快船，分設防堵。王得祿素諳臺地情形，請令酌定船式」。得祿遂繪圖以進，奏請「造竣之後，分撥鹿耳門十六隻，鹿港、八里全各八隻」。從之。又以廈門爲全閩要口，港汊紛歧，商旅往來，時虞伺劫，奏請「動撥房租，添造槳哨巡船，以利緝捕」。亦從之。旋赴臺灣閱兵，請假展墓。得祿少失恃，長嫂許氏育之，至是特請追封一品夫人，長兄追贈振威將軍，蓋異數也。七月回任，整剔營伍，多所更改。二十五年，復赴臺灣閱兵。道光元年春正月，調浙江提督。翌年六月，以病乞回籍。捐運津米，並倡修鳳山縣城，奉旨交部優敘。七年八月，入覲，旋閩後，寄家廈門。已而嘉義張丙起事，南北俱動，即募義勇五百，隨水師官兵至樸仔腳，助戰有功，詔加太子少保銜。得祿以嘉義城垣爲張丙所蹂躪，倡議重修，並建義倉，儲穀二萬石，爲兵荒之用。居鄉時，頗有義舉。二十一年英人之役，駐防澎湖。十二月，薨於防次，年七十有二，追贈伯爵，加太子太師銜，諡果毅，賜祭。有子十，長朝綱，任山東濟東道；次朝綸，候補員外郎。

— 查 調 蹟 古 勝 名 灣 臺 —

福濟宮的殿內



福濟宮外景


七星娘娘分身




福濟宮七星娘娘



匾橫獻所祿得王



宮濟福的前建改



聯 古 豐 咸

聯 古 光 道




王
氏
家
廟




門
前
旗
杆



門
前
獅
子



王
氏
祖
先
神
位




王得祿長生福位
王得祿神位




王得祿肖像
王夫人肖像



刻 彫 石 的 廟 家 氏 王



(二) 刻彫石的廟家氏王



(一) 刻彫石的廟家氏王



(四) 刻彫石的廟家氏王



(三) 刻彫石的廟家氏王



(六) 刻彫石的廟家氏王



(五) 刻彫石的廟家氏王

刻彫石的廟家氏王



(八) 刻彫石的廟家氏王




(七) 刻彫石的廟家氏王



(十) 刻彫石的廟家氏王



(九) 刻彫石的廟家氏王




(二十) 刻彫石的廟家氏王



(一十) 刻彫石的廟家氏王


刻 彫 石 的 廟 家 氏 王



(四十) 刻彫石的廟家氏王




(三十) 刻彫石的廟家氏王



(六十) 刻彫石的廟家氏王



(五十) 刻彫石的廟家氏王




(八十) 刻彫石的廟家氏王



(七十) 刻彫石的廟家氏王



王長烈宅正廳



王長烈宅的彫刻



王長烈宅的彫刻




王長烈宅的石柱脚



車石的存保所廟家氏王






王長烈宅的石材



王長烈宅的石材




王長烈宅的旗杆



太保村的風光



太保村的風光



王長烈宅的磚窗